



倚吳集卷之四

遂昌鄭元祐明德著

五言律

送峽州何學正

夜雨西陵樹春風燕喜亭
學官資裁正士類仰儀刑
天險開三峽人心繫六經
哀猿月中嘯莫作異鄉聽

送泉州蒙古學正

王制嚴心畫臣工重古人
朝廷政典大嶺海學宮新
番舶檣榔唾郵籤荔子塵
方言若翻譯誰與計偕陳

送白主簿

牢落慈湖館于今二百年
閑居仍憫已解易尚成編
吾道乾



備身集卷四
坤大斯文日月縣何時甬東路入邑拜前賢
簿領慈溪縣遙知傍海濬熒波官賦急扶犢野農淳船發帆
檣曉烟明島嶼春每嫌鳳栖棘只尺是青旻

次韻虞學士贈趙伯容

王孫有仙骨夢斷鬱輪袍候火溫丹鼎吹笙醉碧桃鳥雙
蓬鬢鷓雛五色毛人間既腥腐青海樂游翱

寄張宣慰

此老懸車日顏丹髮尚玄由來行樂處湏及未衰年令子工
為政諸孫雅尚賢固應歌舞地長見月初圓

貞逸處士

處士生無字端居代有人飛書表貞逸閉戶樂清真生意萱
花曉思光隸萼春懸知束帛聘側席待天民

送陸秀才

出鼓江湖柁來食杞菊苗道方行沃壤舟已問歸潮水浦魚
初上春城雪未消思君好溪水鄉夢夜迢迢

義興岳夫人輓歌詞

道豈汙隆易身由潔素全栢舟凌黑浪蓬首戴皇天木拱終
同穴蘭推不異阡何人紀貞烈由取姓名傳

朱澤民畫

窈窕溪橋路陰森楓樹林岸隨青障轉家在白雲深畫史分

明意山人去住心勞形何日已於此欲投簪

贈永嘉高生

高生永嘉秀也實南金學啓麟經祕雛生鳳穴深浪花迎
客棹霜葉變楓林異日魏科掇秋期又盍簪

送范山長

曉色馮公嶺春風慶朔堂親庭白雲外書院碧山傍雀啄飛
花柳鳩鳴結椹素詩書有世澤簪笏繼朝行

崑山石

崑岡曾蘊玉此石尚函輝龍伯珠璣服仙靈薜荔衣一泓天
景動九節澗苗肥閱世忘吾老蒼寒意未違

虞侍講書乃祖丞相雍公誅蚊賦

父作更生靈兒為命世英西州覩威鳳南國剪長鯨不厭朝
廷小終扶日月明誅蚊賦重錄妙墨冠時名

徐良夫耕漁軒遊題

幽館夏初度清林暑氣中開軒對流水坐石待薰風花落鳥
巾側鳥啼山几空畊漁者誰子散髮奏絲桐

次韻宋春卿

間貴堂前路于今二十年美人黃土後廢址綠蕪邊顧我知
何已唯公獨歸然春風吹杖屨猶復侍周旋

輓章德懋

博士衫纔綠書生髮已皤艱難柰行李契濶動哀歌疊笏狀
仍在臨池墨尚多邨公有世澤春水洞庭波

贈薛相士

子有唐生術誰如范甯寒知無狼頤骨可有鷓皮冠野日晴
猶嬾春泥曉未乾多君遠相顧不用畫灰看

送何景文

郡國推何武江湖老鄭虔世儒方畹藉詩律尚清妍宰相才
難得文章妙莫傳歸耕釣臺畔早寄白雲篇

鍊雪軒

誰煉紅爐雪晴雲觥面旋六花吹作乳兩腋欲成仙蒼壁龍

鱗舞松花蠓眼圓如何鬻白石一味舌頭禪

排律

飛龍亭

先帝潛龍日幽人待鶴時青山頻望幸琳館暫來娛寶篆黃
金鼎思波白玉卮天開六朝地花發萬年枝閃々前星夜汪
汪湛露私遠符天曆鳳先協石龕龜稽古開廷閣繡經出講
帷方蒙宣室召忽抱昂湖悲舊邸梅花落新亭柳線垂至今
思沛感時或下雲旂

送徐山長勉之赴慈湖

見說慈溪縣先民有學宮心源推自得已易竟誰通論道非

人異朝宗到海同朝窓梅蓋白夜館燭花紅遵渚三更鴈吟
秋四壁蛩橫經山色裏覓句雨声中官况瓊何冷詞場筆最
工棘圍還待子金榜日華東

送李舉人克明任教職

職教同時雨即官等列星吳區都水監閩國道山亭兩地頭
逾白諸公眼為青身名金玉質文采鳳皇翎鼓柝辭江郡携
書入漢廷河山秋肅々宮闕曉冥々夜月鴻遵渚秋風馬在
垓李嶠初夢筆劉向老傳經撲棧材千尺菁莪翠一庭天邊
期中鵲囊底任枯螢歸路梅花發長歌為子聽

送嵇洞玄鍊師雲遊

已躡東遊屐還乘上海槎尋真度弱水招子飯胡麻少廣蒼
精佩双成綠髻娛遊芝作蓋服食棗如瓜鼉采觀初日神
虛茹幻霞玉笙宵度曲金匱夙抽芽遂把東皇袂來朝阿母
家初平羊已化中散蝨空爬劔蝕緱仍結尊空石漫窪歸期
定何日夜々卜燈花

輓錢翼之

字法勤書史年勞起校官如何管城子竟老鵝皮冠句積詩
囊重心投酒斝寬刻深吳下石名藹楚鄉蘭梅福身垂老虞
翻骨未寒佳兒繼述作由與後人看

輓虞彥高

茗水橫經日長洲
篔簹庫時玄霞散
鬢鬣白雪吐言詞
自分儒紳拙寧知
委吏卑袖籠生物
手笏拄看山頤返
老梁溪溼縣車錫
麓陞溫言恒侃々
孺樂更怡々竹色
賓階潤花陰戶屨
移入閩求古刻踰
浙致名師夜雨連
書屋春風動講帷
扣舷吳子國鬻茗
李紳祠政以孤踪
淡誰令二堅持古
心空似月裏鬢已
如絲白日誠難挽
皇天不憖遺士林
紛雨泣絮酒諒神
知丹旒霜風慘青
林磴道危可無千
字誅因賦八哀詩

送劉廷美待聘

文皇南面日劉楚
北游時抗疏三公
府高名四海知近
臣推得士公論果
無私坐置昌平策
歸尋后土祠仲容
為姪好王

述豈人癡驥子難
籠絡鷓雛足羽儀
氣紆商女怨賦解
洛神悲淮左舜攀
桂商顏罷茹芝長
裾今已曳好爵固
應縻送子難為別
西門折柳枝

送楊季常山長

楊子談經處吳公
學道祠宮墻紅靡
々遮篠綠差々演
迤詩書澤冲融雨
露私草玄心獨苦
稽古力難禪二載
平生學諸生去後
思簡書猶用試匠
石詎能遺霧豹方
深隱雲鵬豈後時
會看清白吏勲業
著常旂

挽潘祥卿

已佩官箴肅人推
吏議精筆鋒迴雅
道經術讞疑情孝
悌居

無忝公廉志夙成家移山郭住祿代石田耕晚謝蕪湖幕思
留携李城湖山容佚老蓬藿足逃名藉草拋書卷看雲把酒
觥陽坡秋種菊畫舫夜彈箏既已忘榮辱方知外死生曉
墓頭石百世保麻貞

劉母丁夫人輓詞

忠養兒能孝居官不患貧長言遠遊客兼是未亾人主績機
恒紡尸饗饌必親課孫裨缺學為子款佳賓蓮幙方圖養蓉
城忽返真兩雛悲塌翼諸友為沾巾淚斷枯魚索愁凝繡鵲
茵佳城瘞何日瞻望極酸辛

七言律

奉柳太常道傳

烏蜀先生雙鬢絲尊鱸江上故園思水光閃々金壺墨石理
硜々玉佩辭水落魚龍秋不雨月明烏鵲夜無枝名山蚤選
藏書穴趁取蒲輪未召時

送貢司業泰甫

代祀躬趨黃木灣歸朝仍綴紫宸班識高京兆囊封後道在
河汾戶屨間迎日講筵瞻鳳宸額天經術動龍顏異時歸窆
藏書穴好在南湖疊嶂山

送泰兼善總兵

大帥樓船過淞東軍聲肅々峭寒中令嚴虎帳中天日威息

鯨波萬里風蠻徼盡驚戎虺白極南遙湧壽星紅道山宮闕
多仙聖預啓瑤編錄雋功

寄雲南蕭元帥

南望元戎玉帳寒炎桂海息狂瀾牽獅入貢金連索騎象
來朝罽織鞍丞相渡瀘先鬢白將軍標柱獨心丹春波洄盡
思霖雨箕畢星纏夜看

送許具瞻進士

純孝淵許子將身遷父樞脫烟煬遂登龍虎黃金榜便縮
鵝鸞紫荷囊山水窟中民訟簡弦歌声裏晝陰長聖朝南面
求賢切佇見才名上廟堂

寄潘子素文學

與子同庚命不同悠悠江海異窮通潛鱗易借風雲力朽枿
難論雨露功欲進老人圯上履可孤焦尾嶧陽桐河陽縣裏
花千樹不借孤芳一朵紅

次韻顧仁夫得代

君房未歷金華省潘岳猶居散騎營秋水紅蓮能自採春愁
白髮為誰生夢驚里閨三年別歸載畫書一舸輕野老淒涼
遲吾去更誰虛左日相迎

次韻贈完顏子中

紫誥黃麻疊綰歸棹花香裡拜庭闈聖經教子無金埒憲節

傳家有繡衣佳句易增詩篋重故人難會酒行稀願從菰米
鱸魚國醉把黃花莫暫違

寄楊士可巡檢

警邏深山行夕嵐日嚴笳鼓罷幽探坐中拄笏知非據馬上
彎弓想漸諳挑葉長年思共渡菊英何日采盈甌揚雄千柱
華穰宅只在輝、北斗南

蔡孝子廬墓

三十六峯雲氣深墓廬何處得相尋青山當戶哀、哭白日
孤光黯、沉馴虎欲嗥風落石棲鳥不定月穿林三年泣血
誰相問漉、寒泉礪下音

錢道士游仙

綠髮飄蕭禮上玄明星遙隔絳河邊香消楚澤春風佩愁入
湘城夜雨絃素手不將條脫贈綺䟽惟把步虛編西神峯頂
飛霞觀小駐鸞笙五百年

栖碧亭為華幼武賦

華家池館埃山南但見喬木翠甍、金波影裏魚鱗屋玉珮
聲中塵尾譚黃漲麥雲連町曠紅飛花雨撲烟嵐漁郎一別
桃源路回首春風雪滿簷

芸齋

博士齋居芸草香青編不復蠹魚傷能窮腹裡書三篋敢望

身前笏滿床，兩屋篝燈驚鶴夢。月窓展卷淡螢光，孔門体用平生學。綠髮應須佐世康。

園隱

麻姑山下地仙家，諼草春深賸著花。雖雉逐雌催刈麥，鳴鳩呼雨課鋤瓜。放歌不厭牛親飮，對客何妨蠶屢爬。一夜南坡雷雨作，竹萌迸地蕨抽芽。

宣城姚秀才棄舉業為道士于昇州

娟娟月出敬亭山，曾照書聲竹樹間。淡墨何須題雁塔，扁舟先已過龍灣。仙人觀闕雲端見，帝子笙簫月下還。水驛花開咲相問，澹波誰似白鷗閑。

至元丁丑夏五宣城汪升敬吳人干壽道丹丘柯敬仲

國人秦兼善同僕遊天平次往靈巖有作奉和

西望層巒草木青，魏公祠下拜儀刑。經綸有策迴天地，憂樂無時忘闕庭。異代蒸嘗遵典禮，故山香火下神靈。浮雲變滅知何在，閒聽松風語塔鈴。

右天平魏公祠

吳王宮闕草萋萋，飛閣重登意轉迷。洗硯池邊雲欲暝，拜郊臺上日平西。湖涵遠浪千帆沒，樹響悲風一鷓棲。江海鷓夷招不返，荒烟野水鷓鴣啼。

右靈岩涵空閣

送樂鼎儀歸東平

岱宗高入帝青寒，榮馬東歸不厭看。一變便興周禮樂，兩生

那識漢衣冠雨休樹下碑仍在雪起封中玉未刊更上靈光
殿基望冥鴻鵠有修翰

送季山甫慈湖教諭

季子揚舩之甬東慈湖應與暮潮通豚吹野岸楊花白鳩食
桑林樵子紅遺老應傳義易說先民誰繼日鈔功東吳寓叟
頭全白目送孤雲沒斷鴻

和宇文子貞見寄

別來見話幽人屋此去當扶野老筇涇底魚肥春欲上墻陰
薺嫩雪猶封齋庖不輟頻炊釜山屐應苗屢舞蹤它日孫依
外家學書籤題墨寫教濃

送林道士歸溫

鴈蕩行雲生翠微東還行李正駢々松矜日老當秋發鶴養
雛成待客歸珠斗影寒瑤玉珮繡雲香積紫煙衣懸知夜禮
虛皇罷宴坐朝元意不違

遊嘉定道院

芙蓉洲上集仙宮環珮聲聞縹緲中桂閣吹香天樂下稻田
疏脈海潮通呼龍起舞迎初日跨鶴歸來御晚風大藥已成
金鼎墮丹光猶得兆年豐

春寒

春寒峭々過王師都出南門送鼓旗嶺海鯨鯢就誅日江湖

鴻鴈欲歸時參差帆葉開溪舫顛倒梅花落硯池多病杜陵
頭白盡每因送客賦新詩

送葛奏差赴閩

天子分符鎮七閩元戎建旆拂三辰荔花蜂采千崖蜜榕樹
鶯啼二月春吏署看山時拄笏使輶飛鞚不驚塵南來勾漏
丹砂訣定愛溪邊白鹿馴

廬山圖

潯陽郭裏望廬山日出千峯紫翠間烟樹近同蠻井絡風帆
遙認楚鄉閑匡仙抱鶴巖頭放李白騎鯨海上還却向畫舫
求彷彿菖蒲花老石苔斑

題程國表妻墓碣

太末溪頭送夫婚祝郎戰勝早歸來龍光暫漏金閨籍鸞影
先分玉鏡臺兒女淚痕宵泣血杯圈口澤歲興哀它年墓道
焚黃日銘碣悲涼首重迴

陳母張安人輓辭

延陵陳母具柔慈訓子成名髮亦絲樓護起家元自蚤馮勤
補衮不嫌遲旨甘每却熬波味燕饗長懷剪髮思未拜恩封
先已歿後來阡表有餘悲

挽楊九玄

虎丘山下有孤墳曾識譚經揚子雲夢落江湖仍聽雨魂歸

泉壤亦修文家山路遠聽猿淚書傳香曲辟蠹芸况有佳兒
能力學草玄猶足繼前聞

賓月樓

最愛香山賓月樓清光全得太湖秋魚龍出向初筵舞蟾兔
來從上客遊凝閣綠苔須士賦委波金鏡屬誰收江山千古
才情在牛渚何人獨獻酬

知音亭

亭院日長深復深高山流水思惜々曲中別鶴啼清怨樹底
薰風養綠陰激楚忽聞機裂帛懷人又見冶鎔金能言萬籟
無南郭隱几形間孰賞音

聽雨樓

每愛滄江聽雨眠不應愁絕似今年建瓴長恐崩高屋鍊石
徒聞補漏天響入北廊葭茨亂濕增傍壁薜蘿牽白頭倦客
孤篷底尚想躬耕有石田

趙季文茶屋

蕭々茶屋傍池開謾々叢筠帶雨栽窓雪暎晴雞誤唱炊烟
帶暝鶴歸來醉猶燒燭親黃卷靜愛飛花點綠苔尊酒久違
真寂寞鷓鴣啼上越王臺

薛玄卿鶴齋

君家少保已登雲留得青田貌後真烏母替仙須顯駕羽車

隳乘必長人聽經香案孤撐雪啄茵瑤塔每遇春遲子吹笙
明月下丹砂乞與頂頭巾

次韻寄顏元卿院判

酒盡空懸蘸甲瓢一燈孤館夜寥寥鴈寒猶下滄洲宿地暖
何由重霧消長笛一聲推趙嘏衮衣三世屬文饒看雲早晚
摩天翼瞥尔青雲萬里遙

寄泰兼善總制

征鳳鮮于專節制戮鯨王式任偏裨長江謾擊中流揖落日
方懸大將旗夜泣寒機發擲緯朝粧明鏡女揚眉丈夫身在
難乾沒三秀煌煌是紫芝

和吳宗師寄張貞居

齊老堂前烟樹空真人錫類坐神宮一鱣今賚高年帛重壤
驚迴秃髮翁琳館花殘春欲雨石壇松老夜多風遙思問道
崆峒處都在衢尊盎盎中

和薩天錫由別張貞居寄倪元鎮

梁溪歲暮若為情溪上梅花待曉晴
逕雪冷埋山屐齒蒼水夜墮石床聲
內篇携向松根讀如意持將竹裏行
短晷何能理幽事南窓剪燭話寒更

次韻薛真人賀吳宗師壽辰

臣工袒割紫鱗肪
辭藻輝飛白玉堂
五色雲中扶日轂
九霞

孟襄酌天漿又從禹範開皇極重拾堯奠紀歲陽古桂長承
新雨露綿々根柢發天香

壽春官達郎中

清油幕下紫薇開身總群網儼上台桂海已聞京觀築越裳
還見貞琛來詩書未與秋搖落刀尺難從世剝裁廊廟棟梁
湏致用貞松合抱是良材

次韻王季野北歸

黑髮黃髯萬里歸腰如開國待屏圍樓前花似琴臺發江上
魚如丙穴肥蠻井遠民茶稅急槐陰燕席酒觥飛名勲莫負
傳家笏只尺青雲立綉衣

公子承恩日下歸小山堂上錦香圍百壺寫淥方論醉五鼎
熬肪不厭肥聽瑟池魚衝浪出寄書籠鶴傍雲飛茜袍色映
輕裘好為是夫人手製衣

歲暮感事

歲除風雪苦陰寒民庶逋租悉繫官破蕩未充狼虎欲係累
只作牛馬看何人肯破揚城械有客空彈貢禹冠上力已窮
民力瘁腐儒頭白淚闌干

倚吳集卷之四

僑吳集卷之五

遂昌鄭元祐明德著

七言律

范魏公祠

白雲鄉裏魏公祠，翼： 烝嘗薦奠時功蓋百年書史載道求。
千古聖賢知山侵虎穴盤風磴石拔鯨牙插羽旗更上高亭
望城邑義田秋實正離：

龍門

龍門峯竇倚天開，點額神魚幾度來雲起區中成五色星從
闕角見三台更無鐵限嗤山鬼可有金鋪上石苔李范黨同
勲業異御車千古意悠哉

天池

立石如雲不待鞭兀臨池水看青天下潛靈物疑無底傍漑
山蹊似有年刺水翠苗霜後在舞風珠樹月中懸太湖萬頃
應凡濁閱此泓渟一勺泉

寄鄭長卿

吾宗自昔有升沉况復姬羸遠至今世訝孫枝發枯蘖人推
祖德返遺金螭頭未必雲縈佩谷口何嫌雪滿簪自恨衰年
多病苦藥囊時乞細探尋

壽李廉使

立秋三日是生申晉饒功高海若馴金節已懸岩下電繡衣

仍應日邊春久從隸古森波磔復向心源捐聖神野老願留
吳下住一新漕政吞鴻鈞

寄干彥成高士

文鋒久淬礪鵜膏鞍甲歲身百戰塵王簿宅前春載酒李紳
祠下醉揮毫鄉閩未覺東林遠光燄終如北斗高儒老感君
難報稱黃金隨力鑄韋臯

送郝遵道北歸

汴河千里鴈南飛吳下孤颿又北歸竹素殘編無世味蒯緱
孤劍有星輝岩堯使節弓旌近迤邐神州草木稀想見瓊軒
恭對日黃金臺上雪霏

次韻劉憲副春日湖上有感四首

庾信哀多賦漫成江南文物久晨星市衢火後蒿橫日民舍
春來草滿庭浪嚙湖堤官柳盡沙填江浦夜潮腥歸來何異
遼東鶴只有西山慰眼青

湖水西邊舊是家春風逸屋種梅花傳聞故老談前日愛教
仙人服幻霞鶴老離巢松化石鸞孤照水竹穿沙只今重到
經行處憔悴蕭郎兩鬢華

潮落空城誰重過猶餘里耳聽鳴珂襄陽耆舊知誰在江左
風流不厭多自見石麟眠枳棘長聞蜀魄叫松蘿野梅開盡
西湖雪萬斛春愁奈尔何

湖水荒：寒食天相逢猶話國初年紅樓夜唱花間席翠管
春吹月下船玄圃自應由富麗湘雲誰為惜清妍可憐頭白
歸來日井邑淒涼藹白煙

次韻錢伯行遊仙

海定初風湛綠羅仙人詞藻寄來多貫珠音在雲誰過瑒玉
文成手自磨霄漢畫橋嘗有會崑崙黃竹漫成歌可憐人世
書裊手池上猶籠道士鵝

送章心遠道士入閩

風日晴縑楊柳青翩然獨鶴過南溟山中每憶羅公遠海上
重逢武達靈榕葉擁雲山似簇螭房烹玉酒初醒小冠子夏

如相問為道窮愁老一經

送劉宗師入覲次虞學士韻

羽輪暫別大茅峰
又御青冥萬里風
帔引朝宣德殿雲韶
賜宴集靈宮
懸知漢室龍顏主
似見商岩鶴髮翁
便使畜形在麟閣
閑心只愛白雲中

送劉年基高士還江東兼東張一魚

劍寒秋水客東歸
堂上慈親白髮稀
櫛具定無瑞玉璣
綫痕猶是紫烟衣
蜂營崖蜜花爭發
鹿養春茸蕨正肥
自古山林有甘腴
何妨物色報春暉

為問江東張道士
著書還了致桑篇
江湖冷落番君老
雲漢昭回象帝先
芋火夜煨霜後葉
菜庖朝汲澗中泉
相依共住知何日
孤鶴東還意惘然

寄貞居張儒仙

露冷玄洲草木疎
硯泉分得礪循除
鈎題石記修人表
筆削山經作志書
丹鼎曉溫松節酒
茗甌春點菊苗蕪
殘骸若有登貞分
亦欲西游候羽車

簡張仲舉待制

宵占兩、使星東川后
迎恩啓闕宮
海上天燈懸寶月
帷中神語颯冷風
雲團芝蓋香烟直
春入衢尊酒味同
况是詞臣工致祝
鯨波永息歲恒豐

送錢思復之東嘉

校官東上斗城時水落高灘舟楫遲造化縱憑脩月斧文章
須是表忠碑齋庖近畫空彈鋏詩說窮源屢解頤來歲秋闈
戰仍捷桂林折取最高枝

贈柯敬仲次王止善韻

楚天鴻鴈白雲秋歸卧滄江看水流莫問湘纍王子宿且同
新息賈胡留山林不返趨朝夢道路難為築室謀莫遣虹光
貫明月眠波帖下有沙鷗

喜雪寄達監司次壽道韻

去年南國暖如蒸歲盡猶多撲綠蠅直恐蛇神司有厲可湏

麟筆紀無水元勳復相調金鉉稔歲恒占應玉繩佇聽賡歌
繼幽雅萬年枝上日東升

正自風流誇白雪何須辛苦賦青蠅成章霧豹方依穴鼓枻
神魚欲上水劍具寒侵瑞玉珮宮懸凍直綵絨繩枯鱗望活
西江水涸轍何因有斗升

釣月

籊竹裁竿拂帝青山河影裏夜亭坐乾草際沾衣露掣得
波間在留星巨牯可應投貝闕長絲便欲繫天經清光照徹
磻溪叟方看霓裳舞廣庭

梧桐月

露下秋陰洗夜光
轆轤哀響度銀床
蒼龍出井獻沉璧
青女抱琴彈履霜
鵲遶暗知河漢近
鳳栖明見羽毛張
寶釵擊罷宮娥老
一曲霓裳淚數行

送李秀才歸越

躡屩東歸度浙河
越山無數縮青螺
森々南國春秋學
嬾々西風子夜歌
潮湧月輪丹桂近
山環親舍白雲多
明年春捷靈光殿
遠聽鳴騶駐玉珂

贈朱君復秀士

松陵驛裏雨騷々
剪拂誰甄汗馬勞
扁石呼兒朝授簡
踈櫺啓帙夜焚膏
不因聖藥無熊膽
每為神山有鳳毛
老我江湖

讀書眼會看攀桂
月輪高

送白治中之徽州

高下溪聲三百灘
好山高入帝青寒
雄藩擇牧金投冶
別駕行春錦覆鞍
茶焙香銷芽尚採
硯坑雲冷石仍剗
殘民久望詩書澤
闕里遺編墨未乾

輓順義貞惠公

朔漢人豪貞惠公
策勲元自不酬功
自從庾旅平南服
眼見龍旂捲北風
庭有芝蘭更種植
老登槐棘保初終
只今太史修臣傳
應有幽光發闕宮

次韻吳宗師題大滌洞郎師房

一菴閑地足神仙能駐人間大小年赤鯁夜飛丹并月紫鸞
春步木苗田山經我欲紬金匱晝漏時聞滴寶蓮便駕飈輪
上天柱不辭身倚帝青邊

寄宛丘趙祭酒

當陽聖主重師臣妙選儒宗贊大鈞神格西靡夔典樂名高
北斗愈垂紳金繩著鈕編珠貝瑤草紆花毓鳳麟老我鈞輪
江海上烟波空愛白鷗馴

題海運省官卷

省幙分賢佐上台參謨頊仗出群材九年鵬翼乘雲上萬斛
龍驤破浪開已見清風生白簡便朝紅日詣金臺美哉王度

關元化政藉群公翊戴來

謝劉廷幹漕使饋肉

瑣屑魚蝦不厭腥驚聞一鬻到齋扁薺腸久斷聞韶味蒿目
愁者在留星跛履尚畜兒致養解頤空對客談經西風峭急
江湖晚何處充飢有楚萍

王本齋參政輓辭

甘棠港口咽寒潮帝促明公黼袞朝已有旂常昭日月却騎
箕尾上雲霄北風吸歛年華盡南國淒涼士氣銷便欲一為
天下慟英魂不用楚詞招

題鍾紹京書靈飛經

匣裏鍾郎六甲經虹光夜：射天星使來海上持龍節駕下
雲端拾鳳翎金母度辭黃帝錄玉真按筆紫皇聽玉貞睿宗
第四女為
女冠監勤修苦煉資輕舉濯足明河上九青
書此經

簡金伯祥高士

瞻雲西邁思悠然過兩群峯紫翠連兒子幼書能繼業羽人
接袂且談玄可無海上安期棗更有山頭太華蓮便駕飈輪
脫塵網劫灰不到鬱藍天

贈張月庭道士

為愛中庭月一方坐看河漢轉蒼蒼山河影在無圓缺漏刻
聲中有短長靈藥杵風金兔伏桂花霏雪綵鸞翔廣寒原是

栖真地歌引霓裳入醉鄉

次倪元鎮韻寄剛中

縹緲陳王湖裏寺琮瑋鄭老竹間棋每因海月叅心鏡却咲
茶烟裊髮絲墨漬尚噴龍尾滑酒酣方憶帟頭癡論文未極
終宵話且讓韓山一片碑

和潘子素宿倪元鎮宅送張貞居還茆山

扣舷溪子發陽阿落葉霜林見鳥窠清闕閣前春意早蕭梁
臺上月明多傾瞻鳴鳳嵒中散仰視飛鳶馬伏波對酒息思
千古事潘郎刺促為誰歌

游仙和陳敬初

德壽集卷五
綠髮飄蕭礼上玄明星遥隔絳河邊香銷楚澤春風珮愁入
湘娥夜雨絃素手不將條脫贈綺䟽惟把步虛編西神峯頂
栖霞觀小駐鸞笙五百年

杭州即事

瓦礫堆、塞路坳勝遊巷陌盡蓬蒿祠宮地卧駝鳴圓祕殿
春局馬矢臊山色無如今度慘潮頭可似昔時高王師貴在
能安集豈必兵行血漬刃
往來都是石尤風身境俱忘逆順同鏡裏轉增双鬢白花前
仍是小桃紅莫驚天地軍塵滿尚喜江湖客棹通楊柳吹綿
春又暮賦詩愁殺杜陵翁

元宵懷錢唐

武帝親迎太乙神流光絢煜動星辰行宮典禮猶存漢軹道
山河已易秦香迺至今啼水客露盤無淚泣金人紅燈幾點
東風裏猶是元宵一度春

送蕭萬戶西歸

將軍旗鼓鎮西州六詔猖狂一戰收餘墨朝猶磨楯鼻重環
夜已附刀頭歸朝却獻王褒頌去國惟存季子裘醉裏相逢
歌按劍滄江斜日水悠悠

和成居竹寄張天民

白骨自應無葬地青山可復有遺民何時得返屠羊肆古廟

無慚刺虎人製錦邑中推令子聽經池上躍脩鱗綠雲洞裡
遺編在修省加工莫厭頻

次韻答玉山

扁舟不亂白鷗群又復移家入水雲載酒可無人問字揮毫
故有客書裙荒涼漢室銅盤淚剝落周宣石鼓文猶藉碩循
能慰籍江湖冷落見番君

贈岑醫士

經絡多岐脈貫身顛厓性命屬誰伸如生獨得岐黃秘起死
能兼郭華神龍獻古方長繫肘肱巡熟杏不傷人懸知此道
無疵杏花發鶯啼到處春

寄吳江知州千壽道

熙々愛日仰高亭外天寒渚栢青曉駕朱轡理公事夜燒
銀燭校餘經炊煙白際魚龍國野稻黃鋪鴈鷺汀三載政成
傳術驗玉堂親擢暫須停

送唐學錄歸新安

冷落齋宮齋統墻歸梳不待渚芹香新炊旋出灘邊碓粳筍
仍懸礪下梁雲氣欲晴山繞屋書聲向曉月窺牀斯文三世
研磨力破硯于今政寶藏

送任學錄歸松江

海邊委却釣鰲竿鼓篋來吳佐學官糾錄盡推經術邃歲脩

不厭客羶寒蓬窓夜聽兼葭雨
薺饌朝飡苜蓿盤三載賦歸
春欲暮柳花如雪暗江干

送毛彥昭歸三衢

載雪曾過太末溪天寒沙石淨
無泥碓舂白粲連灘聳橘墜
紅金壓樹低水驛燈明驚見鴈
蓬窓酒醒忽聞雞窺峰記在
君歸讀異日春風聽馬蹄

送沈仲說遊杭

錢唐湖上水西頭歷歷山人舊
釣遊相府猶餘秋水觀酒旗
多掛夕陽樓春喧車馬松間寺
夜載笙歌月下舟見說于今
捲消歇休文到日重淒愁

石抹萬戶輓詞

提師海上戮奔鯨玉帳宵寒隕
大星鏡馬嘶風秋雨暗天狼
殷斧夜潮腥常時仗鉞今傳劍
前度平蠻未勒銘想見城陰
練卒處三軍泪洒燒痕青

潘子素翠雨亭

竹梧亭子翠珊珊人在空濛烟
雨間春暮但聞鶯百轉秋陰
每見鶴孤還且看樹頂遥峰碧
莫踏苔花滴露斑如此林居
不歸去高情誰與共蕭閒

楊鉄厓新居書畫船亭

草玄心苦思如何艤岸舟輕不
動波聽雨夜蓬燒燭短截雲

湘竹噴愁多賦成猶夢橫江鶴書罷應籠沈渚鵝想見後堂
涼月白彭宣腸斷雪兒歌

張伯雨精舍吟

翻々風流江海姿青山滿眼空遐思圮橋授書帝者佐襄城
問道天為師題扇書裙莫相惱傳符繼錄容何辭願逐西飛
白雲去滄江斜日吹參差

復見心豫章山房

豫章拔地即參天突兀山房樟樹邊僧占綠陰開戶牖境因
黃落見山川神機觸破栽培力佛慧看空大小年一自龍駒
踏人後交柯密葉正駢々

趙子期尚書小瀛洲

粉署煌々閃幼霞道山宮闕宰衡家碧梧每集朝陽鳳瑞露
長滋夜合花風裏槐音聞奏樂秋來星彩驗乘槎十洲多是
神仙宅識溪真尚浣紗

題曹松迓家譜

三徑雖荒松尚存東川遺老識清門秋香歲發庭前桂霞氣
朝升屋角瞰春雨丘園花結子夜潮溝洫浪留痕苗停戶屨
知多少但說師嚴道並尊

雲槎

崑崙河源不易窮靈槎萬里待秋風載雲欲問成都卜持節

知成博望功既犯星辰上天漢盍為霖雨佐年豐如何旅泊
巖陵里只掛詩囊與釣筒

次韵沈存齋見寄

八詠樓前藻思新白鷗波上寂情親詩盟有喜諸君在情話
無如野老真歷代寶鼎金匱鑰重山光吐器車銀丁寧笠澤
烟波上畱取珊瑚拂釣綸

送千壽道知州婺源

百灘春水不容舸灘上春紅發小桃龍尾磨雲濡判筆魚須
抽雪映宮袍神杉樹密鴉啼晚仙舍山深月出高使節梅花
香裡過幻霞初日即岩熬

送楊季民采詩還江西

悲涼南國采詩歸大雅寥々入譜稀白馬尚誰歌有客繡裳
猶自賦無衣離鸞顧影秋彈瑟舞鳳銜梭夜織機輯錄已成
垂世教珊瑚枝上看朝暉

送李秀才鄉舉

秋風又復度宮槐文采何人似爾佳月擁素娥迎學子桂搖
金葉散天街劍光出匣驚時目筆陣翻雲寫壯懷從此畜南
展鵬翼橫飛溟滓渺津涯

輓慎獨陳林方

詩書世緒傳家久金石交情舉世稀道在人弘不遠復子依

父葬表全歸忍將完壁埋黃壤賴有堅珉立翠微自恨居貧
乏一祭猶憑絮酒哭斜暉

贈張景亮仕回

投老何曾畏簡書青山元不負吾廬魚須久疊牀頭笏馬軌
新懸屋角車翠被春寒聽雨睡白頭日午趁風梳好官付與
諸郎做千古封留意有餘

春遊石湖

越來溪上水澌澌間鷺鷥棹底風暖霧黃消治平寺燒痕
青入館娃宮笙歌作樂年少魚鳥閑情處同吊古從來
易興感尚循華髮繫孤蓬

遊支硎南峯

詞客幽尋勝洞庭神僧名在支硎馬騎仄徑猶存石鶴放
顛厓尚有亭岩底泉飛輕練白峰頭龕蝕古苔青到來頓醒
紅塵夢萬樹松濤沸紫冥

送方養心遊茅山寄貞居外史

天上仙真騎虎還山中宰相著書間神明秘典抽金匱早晚
恩言下玉闕風磴入雲芒屨冷松花滿地木畦慳願隨君去
携薪水猶得栖遲澗壑間

至正三年癸未冬辜月廿六日貞居由荆溪過林下苗
旬有三日為寫雲林蕭散翁併賦長句書其上留別

人間契闊六年餘，清夜迎船過隱居。
寒日當階散霜雪，踈篁繞壁韻笙竽。
燒香遂入維摩室，振席閑研老氏書。
久識先生有仙骨，莫年服食轉清虛。

六月六日初度有感

三十六陂空似昔，荷花荷葉待誰看。
星辰不合躔龍尾，性命何嫌似鼠肝。
盤石處安心不轉，蓼莪總說泪難乾。
晚來惟有墻頭月，依舊清輝照鵲冠。

嘉潘總戎征南回

萬里乘輅出帝城，涉波南海斬奔鯨。
回轅不困壺中隱，乘棹來尋谷口畊。
尚可班荆談智畧，何嫌拾芥取功名。
更吹簫管

揚州去莫遣春愁白髮生

送蕭萬戶還蜀

搃戎西蜀幾經年，從事誰令爾獨賢。
躍馬莫矜橫槊賦，聞雞不道枕戈眠。
韜藏寶劍塵生匣，愛惜琯弓夜弛弦。
歸到閬州三月盡，江花如錦照行韉。

百丈牽江詣閬州，旌旗擁接舊君侯。
按行貌虎千巖戍，蹴踏魚龍萬里流。
奪錦亭園花陣雨，離堆記積蘚痕秋。
平生謾有相如檄，拏手何時作勝遊。

次倪元鎮見寄

穴墻薜荔根株懸，倒架葡萄藤蔓牽。
非無洛下先生屋，須得

印州錄事錢鴻鴈天高青不雨鶴鴿沙晚白生煙松雲隱屋
結構未何日書來解榻眠

元鎮画

倪郎作畫如斲水濁以淨之而獨清溪寒沙瘦既無滓石剥
樹皴能有情珊瑚忽從鐵網出瑤草乃向齋房生譬則飲酒
不求醉政自與物無虧成

贈篆刻朱生盛

子刻印如刻秋濤轉摺變化手縱操螭扁神凝李斯篆冝繁
妙悟庖丁刀漢章舊制蟠龜鈕魏武新書閱帙縮太史周南
縱留滯劍文仍欲洗金膏

排律

送達兼善祕書

木天高拱夜何其翠被初寒更漏遲上帝錄書藏紫禁貴神
然火出青藜縣知策府稽諏處預想虞廷獻納時厚報函盈
荼薺頌湛恩心寫蓼蕭詩豈徒述作矜雄豔政以都人啓蔽
虧國典每鴻雙賜筆寵光長發萬年枝從容寶鼎開金鏡縹
緲祥烟度玉墀儒術致君還有道皇明鑒物本無私廟謨已
發群生秘岩穴寧令一士遺歌詠太平還有日腐儒頭白在
茅茨

送吳平章

聖君畜治思黃髮國老除書下紫宸身喜圍腰虹玉重眼明
補袞色絲勻乞言應咲拒榮陋濟美誰如鄭武頻阿閣近天
鳴采鳳恩波澤物到枯鱗錫書每啓金華秘賜饌時分玉食
珍出處豈惟閑世運旬宣何以布皇仁門人莫惜狂論事馭
吏何妨醉吐茵豈但勲名夸衆口太常旂上是三辰

送林照磨之越

朱薨翼、小蓬萊秋水芙蓉次第開真宰不遺生物意叅謀
須藉出群材風生幕府文書靜月轉城樓畫角催唱道莫驚
劉寵廟賦詩還上越王臺鑑湖水漲陂間稻禹穴雲荒石上
苔土有茶芽方入貢陵無麥飯孰興哀齊民慳惻知何已此
日登臨亦快哉日脚簫韶天姥下潮頭旗鼓孝娥來神人驩
喜播風順溪上千帆往復迴

盛氏野秀堂

野秀堂前湖水綠繞湖千嶂列簷阿岸花隔浦飛紅雨林木
含風擁翠波酒醒忽持如意舞詩成或擊唾壺歌絕憐吹絮
翻金鯽更愛將雛睡白鷺隣艇卸帆繩搗布田扉邀飲町畦
過栽蘭九畹秋紉佩織錦全機夜度梭去國娉婷誰共載逃
虛放曠自同科橘中儘有商巖樂奈尔春愁鬢影何

顧氏綠陰亭

顧家亭子綠陰、楊柳菰蒲岸、深鷺下積陂明霽雪鷺啼

儂吳集卷五
一七
藜薄度鎔金涼雲覆地苔粘屐踈雨沾衣露滿襟境曠始知
清晝窸舟行忽見白漚沉錦香承宇花如霧星采當階月在
林荷鑿課童栽藥物開窓傍水候筮音湛癡元自能談易稽
鍛何妨善鼓琴况是松醪釀初熟公餘莫厭客同斟

周左丞玉雪坡

玉雪坡前一色雲更無純白鬪氤氲春回土脉孤亭在山掩
人家半路分鐵石崢嶸推宋相江湖冷落念番君調羹佳實
花時見歎笛清風海內聞墨積硯坳留鳳味香飄池上點鸞
群商盤久向坑灰冷秦篆何曾野火焚已翼廟謨路丙魏兼
聞戶履有河汾腐儒獨愧身如腊已老何殊辟蠹芸

俞石澗讀易處

先生註易隱南城激石松風答澗聲式玉式金玉度在一寒
一暑歲功成要參未盡頃心悟洞徹羣疑貴理明蔀屋見星
元是晝寰瀛捩柁可無程義精詎忍辭捫舌樂大何妨枕曲
肱雨露每滋庭草綠雲霞不礙晚山橫成林詎舍千章木求
友難忘百轉鶯歲月推遷陳跡在啓蒙長憶酒同傾

渡江

突起金鰲玉作圍天於設險出神機衆流不息朝宗意元氣
長浮落日輝雲葉暗吹神女佩浪花應濕定僧衣魚龍不礙
中流舞鴻鴈能忘北首歸桃葉翠顰楊子渡麥苗青茁蒜山

磯不因慷慨投鞭衆自是艱危擊節稀
搃會華夷民阜襟分
征玉帛使舟飛射蛟人去空英傑化鶴仙來嘆是非
西日柁樓仍浩々南冠髻髮故依々書生閉戶堪終老
跋涉何勞與命違

書畫舫小集分韻得春字

雪舫夜寒虹貫日溪亭臘盡柳含春
將軍結髮開全武隱者逃名愧子真
醉裡都忘詩格峻燈前但愛酒杯頻
毫美青點沿墻薺斫鱸水飛出網鱗稽古尚能窺
草聖送窮端欲致錢神周南老去文章在同谷
歌終手脚跋擗歸來還自咲聞雞起舞意誰嗔
盍簪豈料有今夕明日桃源又問津

橘隱為秦文仲賦

橘熟曾登隱者堂傲霜林薄爛青黃
花時吐蕊珠成斛叢晚抽條綠闕房
千樹君封培植大慈闍母老孝思長
療疴欲得蘓家井受命難遷屈子鄉
自以辟人甘漢洛誰令登俎薦芬芳
苞緘萬里深隨貢御宴群臣手擘嘗
霜落洞庭天宮々根盤林屋野蒼々
齋廬並海詩吟處霧雨氤氳著紙香

寄楊彥遠隱君

子雲家在讓王村昆弟三人行最尊
勝槩不煩多屋宇醉鄉元自有軋坤
蒙天錫福身長健與物為春道自存
瑞玉墜枝桃結子翠幢羅蓋竹生孫
按歌親製縈雲曲教舞長閑待月

信吳集卷五
軒藝足稻田青雨潑睡濃薇帳錦香温不於野隱慚雌伏政
以朝趨怯駿奔比跡梁鴻脫塵網追踪巢父洗心源佛香梵
笑還投老取次毗邪不二門

輓牟縣尹

誰繼清忠家老成常菴頭白氣崢嶸平生學術尊劉向少日
声名盖賈生製錦老為溪上邑橫金晚致幙中評高懷直欲
吞餘子爽氣何堪發九京絮酒益興霜露感書題重積死生
情羊曇慟哭青山路宿草萋々夕照明

送銛仲剛遊金陵

銛衲來從日本東說法親曾授老龍珠樹摘花抽藻思金膏
瀦水淬神鋒玄機不發空中鏑信器應傳雨裏春暫玩一輪
吳渚月便依千尺定林松江光宛似玻璃合山色依然翠黛
重寒水但餘鷗泛々荒臺無復鳳雉々霜凋錦樹存孤柏海
湧青瑤見獨峰未識咲翁空比擬城樓月上忽聞鍾

書畫印



